



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400;
fax. +387 33 726 423;
e – mail: info@voda.ba .

Broj: **10– 943- 7/17**
Datum: 16.11.2017. godine

Na osnovu člana 64. stav (1) i člana 70. stav (1) Zakona o javnim nabavkama ("Službeni glasnik BiH", broj 39/14) i Preporuke iz Zapisnika broj: 10-943-6/17 od 15.11.2017. godine uz primjenu konkurentskog zahtjeva za dostavljanje ponuda, donosim

O D L U K U

o izboru najpovoljnijeg ponuđača za nabavku roba: „Nabavka vodomjernih stanica“ Obavještenje o nabavci br.: 1132-7-1-169-3-145/17

Član 1.

Kao najpovoljniji ponuđač za javnu nabavku roba „Nabavka vodomjernih stanica“ bira se grupa ponuđača Nitesco d.o.o. Sarajevo, ul. Franjevačka 6, registrovan kod Općinskog suda u Sarajevu, MBS:65-01-0800-11, JIB:4201697280006 (predstavnik grupe ponuđača) i Alem Sistem d.o.o. Sarajevo, Stolačka 20, registrovan kod općinskog suda u Sarajevu, MBS: 65-01-0433-12, JIB: 4200396550001(član grupe ponuđača) koju zastupa Nihad Hrnjić.

Član 2.

Grupi ponuđača Nitesco d.o.o. Sarajevo i Alem Sistem d.o.o. Sarajevo će se dodjeliti prijedlog ugovora za nabavku i isporuku roba iz člana 1. ove Odluke nakon što svi ponuđači budu obavješteni o izboru najpovoljnije ponude.

Član 3.

Za izvršenje ove odluke zadužuje se Sektor za upravljanje vodama Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2017. godinu, ekonomski kod 821313.

Član 5.

Ova odluka će se objaviti na web-stranici www.voda.ba, istovremeno s upućivanjem odluka ponuđačima koji su učestvovali u postupku javne nabavke, shodno članu 70. Stav (6) Zakona o javnim nabavkama.

Član 6.

Ova Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 10-943-2/17 od 06.10.2017. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 34.000,00 KM. Obavještenje o nabavci broj: 1132-7-1-169-3-145/17 je poslato na objavu i objavljeno na portalu javnih nabavki dana 17.10.2017. godine.

Zahtjev za dostavu ponuda je proslijeđen sljedećim ponuđačima (istovremeno sa slanjem obavještenja na Portal javnih nabavki):

1. Dvokut pro d.o.o.
2. Nitesco d.o.o.
3. Alem Sistem d.o.o

Tendersku dokumentaciju sa portala e-Nabavke preuzeli su sljedeći ponuđači:

1. Ekapija d.o.o.
2. Alem Sistem d.o.o.
3. BBS Europe d.o.o.
4. Dvokut Pro d.o.o.
5. Atex d.o.o.
6. Nitesco d.o.o.
7. Stanišić d.o.o.
8. Instruments d.o.o.
9. Elcom d.o.o

Komisija za nabavku imenovana je Rješenjem broj: 10-943-4/17 od 1.11.2017. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da su zahtjevi za dostavljanje ponuda poslani na adrese 3 ponuđača
- Da je ukupan broj preuzimanja tenderske dokumentacije 9 (devet)
- Da je ukupan broj pristiglih ponuda 2 (dvije)
- Da su blagovremeno zaprimljene 2 (dvije) ponude
- Da nema neblagovremeno zaprimljenih ponuda
- Da su ponude 2 (dva) ponuđača ocijenjene kao prihvatljive
- Da nijedna ponuda nije ocijenjena kao neprihvatljiva

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i

tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene, kako slijedi:

R. broj	PONUĐAČ	Cijena na (javnom) otvaranju KM (bez PDV-a)
1.	Grupa ponuđača: Nitesco d.o.o. Sarajevo i Alem Sistem d.o.o. Sarajevo	33.995,00
2.	Dvokut Pro d.o.o. Sarajevo	37.400,00

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka „Agenciji za vodno područje rijeke Save“ Sarajevo. Žalilac je obavezan platiti naknadu za pokretanje žalbenog postupka u iznosu od 500,00 KM (član 108. stav (1) tačka a) Zakona o javnim nabavkama BiH).

 **DIREKTOR**
Sejad Delić
Sejad Delić, dipl.inž.

Dostaviti:

- Ponuđačima,
- Sektor 50,
- Sektor 10,
- a/a